

*des Princes &c. Janvier 1757.* 11

controversias subortaque dubia ad nos & Apostolicam Sedem deferre, certamque hinc Regulam ad revocandam, tuendamque Ecclesiarum vestrarum pacem exposcere, ita nunc Officii vestri partes, vestraque simul apud eum & Ecclesiam merita cumulabitis, si supra scriptam agendi methodum ab iis ad quos pertinet in occurrentibus casibus omninò servari curabitis. Quod nos à Fraternitatibus vestris eò fidentius expectamus, nobisque pollicemur, quò magis nos ipsi consci sumus, nihil diligentiae aut studii à nobis prætermisum fuisse, sive in propendendis ac discutiendis Articulis, quos Episcopi in Præfatis Cleri Comitibus adunati, licet non unanimi Sententiâ proposuerunt, desumendisque ex ipsa eorum discrepantia notionibus ad rem penitus percipiendam, rectoque judicio definiendam opportunis; sive in legendis, proponendisque Sententiis Scripto exaratis, venerabilibus Fratribus nostris, Sanctæ R. E. Cardinalibus, quorum hæc de re consilia exquisivimus, sive in cæteris omnibus exequendis, atque præstandis perque divini luminis adiutorium, quod interim flagrantissimis votis implorare non prætermisimus, nobis promereri possescentes.

Neque verò dubitamus quin clarissimus quoque in Christo Filius noster Rex Christianissimus, postquam susceptum à vobis consilium non solum probavit, sed etiam ut supra innuimus suis ad nos datis Litteris favere & adjuvare non recusavit pro sua perspecta in Deum & Ecclesiam religione ac pietate, validam Fraternitatibus vestris opem præbere studeat, quo tam vobis, quàm inferioribus Ecclesiæ Ministris Litteram & integrum sit ad superius descriptam agendi